

欽定剿平三省邪匪方略

欽定剿平三省邪匪方略正編卷二百四十九

辛酉年

四月初八日

甲寅

德楞泰書麟長齡奏言竊

臣德

楞泰帶兵由紅坪羅漢洞跟追龍苟逆匪

臣書

麟長齡由南灘栢木取道豐邑坪

臣

明亮由獅

子壩至九道梁

臣

德楞泰於二十一日趕至向

家壩哨探帶到逃出難民趙大受等供稱龍苟

等逆在梨子坪聚會後知官兵追來連夜分逃

苟逆等折向東竄仍入楚境龍逆由徐家壩已  
進太平老林伏思龍逆等被剿窮蹙直趨太平  
老林避兵自不敢復來惟苟逆等折竄入楚自  
必與徐逆等併合則楚之東面賊勢愈重况徐  
逆游奕於楚已久又最狡詐若卽尾追是又逼  
向東竄楚省兵力實單權其輕重臣卽應帶領  
大兵東顧隨卽飛札四川太平駐防城口之副

將褚大榮等就近追剿龍逆臣卽於二十二日

由向家壩折回取道房縣繞出興山東面截住

荆襄大路臣書麟長齡先至豐邑坪與孫清元

吉林泰等會合俱因河水漲泛未能濟渡又據

孫清元等稟報二十三日帶步兵一千八百名

至生銀溝卽有賊數百名在彼游奕督兵趕擊

追至熊藏山梁路徑險仄未能深追祇斃賊三

十餘名生擒十二名是夜賊衆乘雨撲營兵勇  
擊殺賊匪六十餘名並探得白號賊匪屯於鮮  
家壩黃寶坪青號屯於西坪兵房河各等處有  
欲合夥東竄興山保康之勢茲<sub>臣</sub>德楞泰於三

十日行抵興山之火石嶺扼住要路相距豐邑

坪甚近<sub>臣</sub>當卽馳往與<sub>臣</sub>書麟長齡會晤復又

商籌惟連日大雨如注水勢日漲纜索椿板多

方設法不能修架臣等心急如焚一俟溪漲稍

退刻卽趕緊前進查現在賊匪屯聚之處由三

對河羅坪可通巴東巫山由冷盤壩卽出保康

由兵房河九道梁可通二竹並四川大寧地方

再查該逆等屯聚處所均係箐林羊腸仄徑歷

年賊匪從未深入之地遠近村莊百姓藉險避

賊故洞寨米糧稍有積貯今各逆竄彼原不過

苟延殘喘現在明亮已由九道梁扼要二竹已  
可無慮

臣

德楞泰書麟督同長齡孫清元由東

北分投兜剿賊匪斷不能折竄惟俟南陽大河  
水勢稍退卽當趕搭浮橋分路進剿至龍逆項  
接勒保來函又已札飭總兵託雲泰回至城口  
督同褚大榮竭力搜剿自不致有滋蔓奏入

上命軍機大臣傳諭德楞泰書麟長齡曰德楞泰旬

餘未有奏報本日遞到六百里之摺朕以爲必係  
打仗得勝及加披閱德楞泰等並未與賊接仗仍  
不過會籌分路夾擊情形實屬無謂德楞泰書麟  
長齡俱著傳旨申飭至據稱龍紹周一股已進太  
平老林德楞泰札知駐防城口之副將褚大榮等  
就近追剿德楞泰等一路兵多將廣尙不能在楚  
境將龍逆剿淨致令竄往川境此時轉責令褚大



榮等迎擊安能保龍逆一股不又折回楚境此時  
苟逆一股自必與徐逆等聯合德楞泰等如能在  
楚境將徐苟等逆剿淨固屬甚善否則毋寧逼令  
入川但旣經入川後德楞泰本屬叅贊又係成都  
將軍伊所帶精兵幾及七千名自應跟蹤入川剿  
辦况額勒登保現在陝省督剿高三馬五冉學勝  
伍懷志各股賊數尙多豈能兼顧川省所有徐添

德龍紹周苟文明張允壽等逆卽責成德楞泰剿辦務須與川省官兵奮力合擊上緊殲淨不可再有遲延致干重戾至書麟長齡明亮係湖廣總督提鎮如賊匪全行入川德楞泰趕往後伊三人不必越境剿賊卽率同孫清元等在楚境各邊監督率地方文武嚴密防堵倘有賊匪窺伺邊境務卽上緊截回勿令竄越近因楚省一路軍需支應較

多不待伊等奏請又撥銀三十萬兩餉項極爲充足德楞泰所帶精兵甚多又加以各省補額之兵軍威極爲壯盛似此兵精糧足伊等更何所藉口務宜各知愧奮將此數股賊匪上緊剿辦尅日殲擒不可再有遲延

同日勒保奏言竊

臣

因通巴一帶沿途饑民甚

多必須親督地方官趕緊撫恤未便兼程行走

昨於馬渡關接據遊擊桂涵稟報二十一日行  
抵南壩探得該匪等或十餘人爲一起或數十  
人爲一起分匿附近山林乘夜摸樁裹脅漸多  
連日搜捕僅拏獲十餘名該匪等卽竄至猴兒  
巖據險抗拒經該遊擊與守備薛陞等分帶步  
隊兵勇於二十三日四更發兵黎明直抵猴兒  
巖分路進攻該匪等始猶撲壓我兵鼓勇競上

當卽殲賊八十餘名生擒男婦一百五十二名  
口餘俱滾崖跌斃並無一名漏網訊據生擒之  
賊楊貴供稱此係湯思蛟等現由馬家營折回  
乾溪溝一帶近有各股剿散之賊歸併一處約  
有五六千人遣令唐大魁馬思貴各帶二百餘  
人赴東鄉新寧一路出來摸樁並探官兵信息  
如大兵俱在川北卽欲全夥由新開竄往梁山

大竹一帶擄食今唐大魁一股已被殺完馬恩  
貴到新寧去曾否逃回實不知道當將賊目唐  
大魁及從賊較久之楊貴等一百十三名卽行  
正法其餘男婦吳文芳胡李氏等五十三名口  
俱係新被逼脅之人卽交地方官釋回至馬恩  
貴前在新寧天地寺一帶摸樁現據探報已由  
關口坪竄出勢必仍與乾溪溝大股合夥並聞

辛聰餘匪亦向該處一路遁逸隨飭桂涵等趕  
緊剿捕如因兵力單薄卽扼要暫紮遏其分竄  
新開之路弗使蔓延腹地

臣

一面沿途撫恤饑

民一面帶兵繼進途次接據阿哈保薛大烈報  
稱在川陝交界之陳家壩地方與經畧所派之  
札克塔爾桑吉斯塔爾會合詢知高馬餘匪又  
復折回陝境札克塔爾等卽帶兵追擊此股人

數無多有經畧親在西鄉督率楊遇春等分投  
搜捕自可立就殲除現在通南一帶已就肅清  
阿哈保等現卽帶兵轉回仍歸臣一路剿辦川

東賊匪其陳朝觀等逆據報尙在紫陽境內距  
川不遠七十五現抵川陝交界之麻柳壩一帶  
相機探剿並可兼顧川北至總兵託雲泰所帶  
官兵現在城口一路業經飛飭該鎮卽由城口



取道乾溪溝將湯逆等轟逼出山以便與臣一

路官兵兩面夾擊以期迅就殲除肅清川境

勒保又奏言竊臣欽奉

上諭此時善後事宜以撫輯難民饑民安置鄉勇二  
節爲最要伏查川省教匪滋事以來隨處裹脅良  
民爲數甚衆奉

旨准令投出免罪聞風解散者殆無虛日臣前在經

署任內酌定安輯章程曾經節次奏明通飭遵  
辦臣隨時留心訪察難民等到籍後有業者俱  
經地方官確查給還無業者亦歸入團寨自可  
謀生覓食其各州縣收養之老弱婦女每處人  
亦無多均令陸續設法安置如實係老病殘廢  
無可依歸者卽撥入孤貧養濟項下給予口糧  
此就安撫本省投回難民而言至零星投出外

省難民俱隨地給予銀米逐程遞籍收管如臨  
陣投出人數較多則派委員弁護送前進卽如  
近日德楞泰在大寧剿辦龍紹周等股匪所有  
應釋難民內訊出籍隸陝省者一千九十七名  
口除附近川境住居之人就地釋回外其餘八  
百四十餘名口經署夔州府鄭成基督同署大  
寧縣鍾運鹽大使米喬齡等各捐銀兩設廠煮

粥散給沿途行走甚爲安靜并派該大使米喬  
齡等由水路直送興安交替是川省安撫難民  
頗著成效叛產一項前經臣奏明分爲叛產荒  
產絕產三項分飭各屬清查辦理但此三項內  
惟荒產較多其應行入官之叛產及全家被害  
之絕產爲數均屬有限不能普賞無業難民而  
荒產一項如被害民戶與避難家口一經投回

卽應隨時給還其勢斷難分給難民管業查川  
省連年投出之人隨到隨卽安插尙無流離失  
所之虞惟於陝楚沿邊交界及賊匪向來出沒  
之處如太平東鄉巫山大寧奉節雲陽萬縣開  
縣通江巴州南江廣元蒼溪十三州縣上年收  
成歉薄兼之賊匪不時往來竄擾以致民食甚  
艱前經仰蒙

恩旨賑糶兼行昨

臣

師次通江地方見該處一帶饑

民絡繹於道

臣

一面將裹帶軍糧並附近硎寨

存米內隨時隨處酌撥給散一面委令道員劉

清督同通南一帶地方官逐處挨查分別散給

口糧其餘各屬亦節經飭令實力撫恤至鄉勇

一項誠如

聖諭事平裁撤無所仰給若不安爲安插更易流而

爲匪查

臣

前自黔省來川維時各路征防鄉勇

爲數過多節經大加裁減遣令歸農其中無業

之人或令充當夫役或令各州縣挑爲民壯俱

已安置得所現在所存鄉勇已不及從前十之

二三且該鄉勇隨征者連年禦敵內有較兵丁

更爲得力者裁之必致失所甚覺可惜留防者

俱係本地民人大半各有家室生業祇在本處

防堵裁之似覺較易再查川省節次招募新兵  
爲數不少原須俟軍務告竣另行酌辦但此項  
新兵大都皆無恒業若事平裁汰或至窮無所  
依其流弊亦同鄉勇是以 臣 曾於上年六月間  
通飭各標營凡有新兵事故開除名糧概行停  
止募補卽遇制兵糧出亦以新兵頂補從此由  
漸遞減目前便覺節省目 臣 曾與德楞泰商酌



將來善後事宜案內川省沿途緊要地方尙須  
增添營制若以此項新兵及隨征鄉勇通融挑  
撥補額較之新募者旣爲得力而於通省現有  
兵數總可期有絀無贏亦足以稍節糜費均奏  
入

上命軍機大臣傳諭勒保曰川東賊匪湯思蛟一股  
屢據該督奏稱爲數無多早應剿淨乃此次摺內

又稱湯思蛟現由馬家營折回乾溪溝一帶近有  
各股剿散之賊歸併一處約有五六千人皆由勒  
保剿辦遲緩使各處零星餘匪沿途裹脅竄合一  
處又成大股其餘不肯從賊被害者又不知凡幾  
勒保前次回至川北後本因川東賊匪緊要奏稱  
兼程前往茲又以撫恤通巴一帶饑民未便兼程  
行走爲詞藉詞延挨不過欲俟德楞泰回川隨同

剿辦以致湯思蛟一股日聚日多至所稱陳朝觀等逆七十五現在麻柳壩一帶相機探剿名爲相機其實觀望陳朝觀等逆爲數無多而領兵之員並不及早殲淨一味觀望轉瞬必致又成大股卽阿哈保等前經勒保派往協剿高馬餘匪並未接仗今因高馬折回陝境阿哈保等卽帶兵轉回若皆如此徒事往來賊匪焉有剿淨之日耶至另奏

撫恤難民饑民等事亦未必能認真緩輯其清查  
叛產安置鄉勇皆係善後事宜目前賊匪未平勒  
保亦不過以虛詞塞責其所稱通江巴州十三州  
縣近年以來皆因賊匪往來滋擾以致農民不能  
耕種饑困難堪該督旣知憫惻饑民寧不知及早  
殄平賊匪勒保著傳旨嚴行申飭又據德楞泰等  
奏到龍紹周一股被剿窮蹙竄往川境太平老林

德楞泰劄知駐防城口之副將褚大榮等迎擊並稱接到勒保來函又已劄飭總兵託雲泰回至城口督同搜剿而勒保摺內並未提及龍逆一股是否入川又派令託雲泰帶兵赴乾溪溝剿辦湯思蛟股匪等語與德楞泰等所奏不符殊不可解若龍紹周一股與湯思蛟等逆竄合一處剿辦必致費手此時勒保旣往川東務須督同託雲泰阿哈

保薛大烈等上緊剿辦將湯思蛟龍紹周等逆設  
法殲盡並將各處零星竄匪悉數殄除勉之慎之

初十日

丙辰

長麟奏言竊

臣

前在瓦房壩將冉逆

賊匪痛加殲戮嗣探知該匪敗竄後向兩當縣

所屬之汝寧河一帶狂奔並據獲賊供稱該匪

等欲仍赴汧隴等處

臣

當由兩當之楊家店一

帶抄赴北面兜截趕至韓家灣地方探知該匪

已經竄過高橋娘娘壩一帶，有直趨秦州馬跑泉之勢。適總兵楊奎猷在留壩，收集兵勇趕來。

臣卽令楊奎猷緊護秦州，一面親督兵勇連夜

兼程趲行。二十八日午刻趕抵馬跑泉，詎賊匪

探知，俱有官兵復繞向秦州以西之皂角舖竄。

奔三陽川。於二十九日搶過渭河以北。臣當卽

趕至三陽川，亦於二十九日淌過北岸，晚刻接

據探報賊匪是晚屯紮王家河係奔清水華亭之路計程相距賊蹤尙有八十里惟是賊匪驟馬共有一千餘匹乘騎奔馳十分迅速

臣

自韓

家灣抄截賊匪每日三四鼓拔營盡力奔走業

已三晝夜未得停息兵勇疲乏然現在幸已追

近賊蹤斷不肯以兵力稍倦畧有停緩

臣

當卽

鼓勵兵勇趕緊造飯將鍋帳留後令楊奎猷及



副將蕭福祿等帶領馬步兵勇於是夜二更起身向王家河進剿

臣

緊隨接應楊奎猷蕭福祿

等帶領兵勇潛蹤疾走三十日黎明趕到王家河賊匪正在起身奔竄已離王家河六七里彼時若欲尾隨追殺冉逆多係騎馬賊匪一經急驅遁去我兵步追必不能痛加剿戮且賊匪已上對面山梁我兵仰攻尤難得手勢須將該匪

誘回始易剿辦楊奎猷蕭福祿當令馬隊百餘  
人下山追趕其餘馬步兵勇俱伏於山頂背後  
賊匪見官兵人少全隊折回迎敵我兵馬隊射  
死賊匪十餘人卽行折回搶上山梁賊匪緊蹶  
追上半山山後伏兵俱起距賊已近不及施放  
鎗礮僅用矛手壓下殺賊一百餘名生擒六十  
餘名有官兵五名追至山下殺賊數人被衆賊

圍殺同時陣亡蕭福祿當卽喊令左右兩路鄉  
勇趕緊下山抄剿詎賊匪倚恃驟馬便捷將鄉  
勇抄剿之路讓開有兩路騎馬賊匪分爲左右  
抄至兩路鄉勇之後又一股騎馬賊匪直由半  
路撲來有一股騎馬賊匪飛奔繞至山後欲從  
山後岔口攻撲後路適臣帶兵正在後路山梁  
岔口楊奎猷亦卽趕來堵截鎗礮齊施賊匪未

能撲上仍卽折回山前賊匪分路攻撲鎗礮齊  
開詎我兵馬隊係二十九日甫調到營三十日  
卽帶領打仗且係新補馬匹一聞鎗礮驚躍縱  
跳賊匪撲至陣亡官兵十餘名其兩路鄉勇被  
賊匪從身後撲來且俱係騎馬賊匪勢甚兇猛  
陣亡鄉勇一百餘名守備張連甲頭帶矛傷二  
處其餘鄉勇多被衝散蕭福祿及遊擊馬忠朱

鉞張聯奎等見賊勢兇猛當將擒獲活賊全行  
戮斃騰出兵力各官兵數百名分股撲壓將賊  
匪全行壓下甫至山下賊又復繞路撲來官兵  
又復壓下自辰至午往來撲壓十數次又殺賊  
百餘人賊匪敗走官兵並無損傷臣當令楊奎  
猷蕭福祿將衝散鄉勇趕緊收集齊全卽於初  
一日五鼓拔營緊躡賊蹤追剿前進沿途盤獲

賊營逃出難民僉供賊匪一入甘境迺有被裹  
難民總向查問汧陽縣悄悄會會否剿滅淨盡  
並聞前赴汧陽捷徑窮日狂奔臣已飛行札調

藩司王文湧平慶道祝會各帶兵勇在隴州一  
帶迎頭堵截並聞額勒登保帶兵由棧道前來  
於初二日已抵清水縣屬之李什子初三日卽  
可趕至長寧驛相距賊蹤已近臣等正可分路

截擊奏入

上命軍機大臣傳諭額勒登保長麟曰此次冉逆股  
匪由秦州皂角鋪搶過渭河北岸向王家河一帶  
奔竄長麟督同蕭福祿等帶領兵勇趕緊抄剿賊  
匪分馬騎四股向前攻撲我兵奮勇壓擊前後共  
殲擒賊匪二百六十餘名而官兵陣亡十餘名並  
鄉勇一百餘名守備張連甲又復帶傷由逆經官

兵撲壓收走受況又竄往何處看此情形辦理尙未得手此股賊匪狡詐兇悍不可視爲易辦至所稱官兵馬隊係新補馬匹一聞鎗礮驚躍縱跳豈賊匪所掠之馬皆係久經行陣者獨不畏鎗礮乎此時額勒登保帶兵由饒道前來相距賊蹤已近應卽馳赴該處與長麟等分投截擊將冉逆一股上緊兜剿逼回渭河南岸斷不可任其北竄致未



經被賊地方遭其蹂躪尙不能奮力攔截任賊匪  
竄抵完善之區必將伊等從重治罪現在長麟所  
帶兵勇據稱晝夜抄截稍形疲乏而經畧額勒登  
保所帶之兵爲數亦屬無多前因冉逆在大壩茲  
擾額勒登保會派慶成帶兵趕往協剿嗣因伊親  
赴唐藏一帶會同長麟剿辦又奏派慶成幫同劉  
之仁等在四畝地搜捕高一餘匪額勒登保等當

酌量情形此時如能就現帶兵力將由逆賊聚遠  
行殄滅卽不必催調慶成若覺兵力稍單不敷剿  
捕卽飛催慶成帶兵前來會剿其高二餘尊專交  
劉之仁等迅速辦淨所有此次打仗陣亡兵勇俱  
著查明咨部賜卹

欽定剿平三省邪匪方略正編卷二百五十 辛酉年

四月十三日已未額勒登保奏言臣於初一日馳

抵兩當之太渠探得冉匪已於三陽川竄過渭

河秦安清水一帶該處東北係隴州汧陽靈臺

華亭等處漸近平原關係緊要臣率師趕覓捷

徑由吳寨過渭河出李什子向清水及隴州之

長寧驛緊顧東面橫程而進日行一百三四十

里不等於初四日晚至隴州小漆村探得該匪  
是日竄至隴州地界之草白峪相距尙有七十

餘里

臣

令官兵稍爲歇息派札克塔爾桑吉斯

塔爾帶領侍衛協領馬隊官兵

臣

帶領各將備

步隊官兵三更卽行起營顧住東南前進辰刻

馬隊將抵草白峪知該匪業於五鼓起身進溝

向東北逃竄札克塔爾隨率馬隊順溝進發此

兩面皆係層山中有平川一道札克塔爾帶兵  
馳進十餘里猝見賊騎從兩傍溝岔突出我兵  
尙未到齊札克塔爾一面差人飛報一面與桑  
吉斯塔爾副將楊芳遊擊高萬春劉健標等率  
領馬隊官兵迎擊正在往返衝壓口帶領步隊  
兵勇亦至溝口遙見塵土飛揚卽派令副將劉  
瑞玉福泰將劉維馨游擊張鍾麒都司劉元明

等各帶兵勇搶占東面山梁下壓

臣

亦率同侍

衛安福捫欽保墨新副將多隆武叅將張廷楷  
等前進維時長麟帶兵亦由渡陽鎮趕到督令  
楊奎猷副將蕭福祿遊擊米章張聯奎帶兵搶  
上西面山梁而賊勢披猖仍然抗拒山坳之內  
復有步賊數百人於塵土中從兩面一齊衝來  
各官兵均皆奮擊左右山梁兵勇亦從上壓下

並催到遊擊王得勝所帶劈山礮二位更番轟  
打賊匪旋即潰敗四散臣飭令馬步官兵分路  
追趕約有七八十里至白楊樹溝時已傍晚此  
一帶溝岔紛歧賊匪亡命逃遁官兵沿途殲斃  
不過百餘人先後生擒執旗賊目等五十餘人  
當馬隊先行衝擊之時賊匪被箭及自相踐踏  
死者有四五十人我軍吉林藍翎驍騎校伊克

唐阿委驍騎校吉勒彰阿部委筆帖式六十六  
藍翎領催明安外委謝永寧均因奮力殺賊陣  
亡其餘兵勇亦傷損十數名

臣

將所獲之賊目

李占春向得魁等嚴行鞠訊據供今日冉元帥

商量分一半人趁天未明走上店子伴爲他竄

分一半馬步矛手在左右溝岔埋伏等待官兵

到來衝截訊明各該犯均係賊中矛手當俱正



法偵探該匪向靈臺地界北竄恐其擾及縣治

臣

與長麟初六日五鼓各帶官兵復由碗廠覓

道向靈臺抄截進抵新集壩知該匪又由雙廟

子安口窰西竄華亭地界

臣

察看冉學勝股匪

雖經長麟節次追殺而克鋒未挫且恃其裹脅

既衆又得有騾馬可以肆其狂奔倍形狡悍途

次捉獲賊匪余起朋等十二名據供昨日打仗

後知是

臣

帶領大兵到來難以抗拒商量晝夜

不許停息趕緊逃奔要想仍過渭河南岸好向

山內躲避等語目下若徒事跟追未能得濟若

不行緊躡又慮山路紛錯急切不得賊蹤現酌

定長麟帶領原起官兵緊追

臣

帶領馬步兵勇

寬道趕緊抄出賊前但得痛剿一二仗將此股

賊匪掃蕩另辦他股再穆克登布等於二十七

八等日由竹壩子九臺子獅子河等處進擊均  
有斬獲該匪竄至火燒菴二十九日穆克登布  
與豐紳綸布春等各帶將士分路探剿該匪奔  
向羊金峽希圖東竄我軍併力齊進午後趕至  
羊金峽將賊衝爲兩股於十八甲地方殺賊二  
百數十人生擒男婦百餘人內有大旂手劉莫  
安皮大文二名餘賊向深林逃竄又經將備搜

獲一百二十餘人均經分別辦理查賊竄路徑  
可通留壩廟臺子等處穆克登布豐紳綸布春  
等現仍帶兵於留壩之武關黃柏駁高河口等  
處探蹤搜剿臣接信後仍飭令趕緊辦理以期  
速行殄滅

同日額勒登保奏言竊臣於初七日晚間師抵

華亭縣屬之白家溝當將連日剿辦冉學勝股

匪情形繕摺拜發後初八日寅刻正在起營之  
次據楊遇春格布舍等專差驍騎校烏林阿守  
備劉勝祥等趕到報稱楊遇春等追剿高三馬  
五等賊匪於初一日至寧羌之鐵鎖關二郎壩  
地方將高三馬五二首逆臨陣生擒並馬五之  
子以及賊目劉元帥等悉皆弋獲餘匪全數掃  
蕩

臣

查高三馬五於現在各賊中最爲緊要茲

得按名生擒又將該股夥黨全行辦竣則此外  
各股更無不聞風膽落楊遇春等因匆促差人  
前來未及將詳細情形具報俟另行查明奏  
聞現行知該提督等先將高三馬五解赴漢中交陸  
有仁審辦均奏入

上命軍機大臣傳諭額勒登保曰高三馬五二逆在  
諸賊中最爲兇悍久經懸立重賞以期按名擒獲

今額勒登保派令楊遇春格布舍等在寧秀之鐵  
鎖關二卽壩地方將高三馬五臨陣生擒餘匪全  
數掃蕩所辦大快人心甚屬可嘉額勒登保調度  
得宜楊遇春格布舍等奮勇出力其功甚大著額  
勒登保查明生擒該二逆之人其中最爲出力者  
遵照前此懸賞諭旨陞賞並著開單具奏俟奏到  
時一體優加厚賞用獎功勲著先賞給額勒登保

仰楠香手珠大小荷包又據奏剿辦冉學勝股匪  
及穆克登布剿賊各情形此時額勒登保督率將  
領由草白峪一路前進長麟亦帶兵山渡陽鎮趕  
到兩面夾擊賊匪潰敗仍思竄過渭河南岸向山  
內躲避額勒登保與長麟酌定前後攻剿務將冉  
逆一股卽在該處辦淨否則趁勢截過渭河南岸  
向西南緊逼斷不可令其北竄蹂躪完善地方亦



不可令其東竄入山現在高馬首逆業已成拊冉  
學勝自必聞風膽落且冉逆探知經畧兵到難以  
抗禦卽趕緊逃奔可見額勒登保聲威到處震懾  
賊匪極爲畏懼但必須加意持重不可稍損威重  
况賊匪詭詐異常每於溝岔中設有埋伏額勒登  
保當隨時留心察看地勢於持重之中尤須迅速  
籌辦現與長麟會合乘此厚集兵力之時痛加剿

殺卽將冉逆一股悉數殲除毋稍延緩至伍懷志  
一股現經穆克登布等於十八甲地方殺賊二百  
數十名生擒百餘名所辦尙好額勒登保務須催  
令穆克登布等趕緊辦理速行殲滅至楊遇春平  
日帶兵打仗素爲奮勇伊所帶俱係精兵旣將高  
馬二逆全數剿盡自可騰出兵力剿捕他股竄匪  
本日據勒保奏報湯思蛟等股匪踞險屯聚勒保

徒事奔馳剿辦未能著力額勒登保酌量情形或將楊遇春調赴大營協剿冉逆或竟派往川省幫同勒保將湯思蛟等股辦完至在草白峪打仗陣亡之伊克唐阿吉勒彰阿等五人殊爲可惜俱著加等賜卹向來陣亡人員均係照例賜卹茲因伊克唐阿係額勒登保之弟又疊次衝殺奮勇捐軀特加等議卹但同時陣亡者不止伊克唐阿一人

若僅加恩伊克唐阿未見平允是以將吉勒彰阿等一體加等此皆朕推念額勒登保爲國宣勞優卹伊弟又因伊弟以及吉勒彰阿等也至所稱冉學勝匪衆雖經長麟節次剿殺而克鋒未挫所論甚是長麟屢次奏報多有捏飾未可深信額勒登保當遵照昨降諭旨密爲查察現在長麟軍營距額勒登保不遠其隨同將弁均可就近向其詳加

訪問如得虛報確情卽行據實密奏毋得稍有袒護

上又命軍機大臣傳諭陸有仁曰高三馬五係著名首逆屢經戕害提鎮大員罪大惡極今旣被擒自應嚴加懲辦以快人心前次擒獲王廷詔一犯業已起解在途此次高三馬五二犯若再令解京亦不過照王廷詔辦理竟可無庸解京著陸有仁於

該犯解到時加以刑夾務將該二犯數年以來戕害各大員以及將弁等共有幾人令其逐一供出陸有仁係刑部出身自能詳細嚴鞫審明後卽設立被害各提鎮及將弁等牌位將該二犯轢割並著陸有仁親往奠祭以慰忠魂而抒衆憤

同日勒保奏言竊

臣

昨因阿哈保薛大烈報稱

高馬等逆又復折回陝疆經畧額勒登保親督

楊遇春札克塔爾等分投搜捕是以帶兵轉回

仍歸

臣

一路剿辦川東賊匪連日據遊擊桂涵

等稟報自辦完猴兒巖一股摸椿餘匪之後探

知前在新寧天地寺摸椿賊匪向關口坪一路

竄去桂涵卽帶兵由開縣之線壩堦截二十九

日至該處紮營四更時突有賊匪三四百人偷

撲守備薛陞營卡經兵勇擊退迨至黎明桂涵

等卽帶兵窮追斬獲七十餘名餘仍向馬家營  
乾溪溝一路老林竄逸訊據生擒之毛思順等  
供稱湯思蛟等因前次派出兩起摸樁之總探  
馬頭唐大魁馬思貴等均未轉回是以又派龐  
總兵冉先鋒等帶戰手四百人出山探信昨日  
到線壩見有官兵營盤冉先鋒就商量衝撲過  
去不想又被殺退如今湯思蛟等因乾溪溝地



勢險要紮住不動要等四月杪麥熟時候再下  
壩來擄掠等語當卽正法又據探關口坪之賊  
有一二百人已竄至風廂坪桂涌於初一日五  
更卽帶領兵勇前往迎擊在蕭家山榨井壩等  
處兩次接仗共斃賊九十餘名總探馬頭馬思  
貴業經中鎗被亂矛戳死割驗首級屬實生擒  
秦士玉等七十一名除從賊未久之孫世坤等

十五名給票釋回外餘俱戰手概行正法桂涵等尙在該處搜捕可期淨盡又接七十五來信內稱陳朝親朱永富自與魏棒棒在西鄉簡池壩分夥後現在竄向紫陽澄海溝一帶七十五於二十七日早間帶兵趕至該處正值匪衆起營出其不意痛加殲殺緣該處盡係一線羊腸人馬不能並進追殺二十餘里僅斃賊一百三

四十名滾巖落澗者多生擒賊匪六十七名內  
有偽總兵苟學治一名當卽訊明分別凌遲正  
法搶獲騾馬四十五頭匹旂幟刀矛二百八十  
三件餘匪向紫陽之羅線壩竄逸該提督暫在  
邊界紮住探剿<sub>臣</sub>正擬督同阿哈保等帶兵馳  
赴開縣大寧一帶分投入山進剿乾溪溝匪衆  
適奉

版旨申飭

臣

實屬萬分悚懼頃又接准經畧額勒登

保來咨因冉學勝賊匪竄擾棧道已帶同扎克

塔爾等由漢中進剿所有高馬等逆專交楊遇

春追剿並札飭阿哈保薛大烈帶兵協剿並據

探報高馬等逆復入川北境內桂門關一帶楊

遇春由黃官嶺一路追剿

臣

伏思額勒登保現

已帶兵轉赴漢中督剿棧道之賊今旣檄調阿

哈保薛大烈之兵與楊遇春合剿高馬等股賊

匪查阿哈保薛大烈之兵卽係臣所帶之兵臣

前此先回川東原係輕騎前來一則安撫飢民

一則督辦摸樁餘匪今摸樁之賊幸已辦完饑

民亦俱撫綏寧貼而薛大烈近患寒火鬱結之

症不食不寐勢頗沉重是以令其在大成寨暫

爲調養臣自應遵照經畧調度親督阿哈保承

寧馳赴川北境內與楊遇春協剿高馬等股之  
賊以期及早辦竣所有川東境內馬家營乾溪  
溝等處屯聚湯劉等逆查七十五現駐蒲家壩

本係太平地方臣已知會該提督卽就近會同

託雲泰相機進剿不可令其蔓延腹地再此次  
桂涌一路打仗陣亡鄉勇一名受傷兵勇十六  
名咨俟另行查明咨部

勒保又奏言查嘉陵江爲川省西南屏障前因

水枯灘淺原安兵勇稍單曾經臣酌添鄉勇多

設鎗礮並責成總兵張志林許文謨分段各帶

游兵往來防守其白水江爲龍安門戶亦派有

叅將沈宗文都司恒慶等會同地方官督率兵

勇實力守禦並令督防松潘龍安之總兵呂朝

龍與張志林就近會哨互相兼顧防範均屬嚴

密且現交夏令水勢日漸漲發似可放心惟嘉

陵江岸綿長自蒼閬以至南蓬均經臣親臨察

看布置已覺周妥其自蓬州以至合州如中間

定遠縣屬之石板沱等處爲賊匪熟路雖經臣

節經諄飭嚴防該管文武亦各知認真籌辦但

究未親臨查察臣擬俟川東川北邊境賊匪將

次肅清尙須乘空前往閱看以冀益臻慎密均



奏入

上命軍機大臣傳諭勒保曰據勒保奏本欲回至川東剿辦湯逆等股因接額勒登保來咨卽馳赴川北境內協剿高馬股匪本日現據額勒登保奏楊遇春等在寧羗之鐵鎖關二卽壩地方將高三馬五二逆臨陣生擒並將餘匪全數掃蕩而勒保尙稱馳赴川北協剿是高馬賊匪全股已就殄平勒

保猶未得有信息不過遲數日後又將楊遇春等  
得勝生擒高馬二逆具摺奏報看來勒保總欲因  
人成事並未認真辦賊且旣稱帶兵親赴川北而  
另摺內又稱嘉陵江岸自蓬州及定遠屬之石板  
沱等處爲賊匪熟路仍擬俟川東川北邊境賊匪  
肅清乘空前往閱看似此東奔西逐往來迄無定  
所是勒保總擇無賊地方帶兵行走大有畏蕙情

景慎之至稱湯思蛟股匪在乾溪溝屯聚欲俟麥  
熟下山搶奪年來各路軍營以賊匪四散奔竄追  
剿未易得手爲詞今湯思蛟一股現在乾溪溝屯  
住並訊據生擒之賊供稱湯逆所派探馬頭均未  
轉回是該逆並未得有探聽官兵信息勒保何以  
並不乘此機會督兵搜剿豈竟任賊匪歇息日久  
俟麥已成熟時賊又得掠食飽颺彼時再行剿辦

坐失機宜勒保在川剿賊實屬遲延玩悞著傳旨  
申飭至所奏七十五來信內稱陳魏等逆竄向紫  
陽澄海溝一帶七十五帶兵趕至出賊不意痛加  
殲殺斃賊一百三四十名摺內旣稱痛加殲殺何  
以又云僅斃賊一百三四十名仍著勒保飭令七  
十五督率兵勇趕緊將陳魏等逆零星賊股悉數  
殲滅以期肅清川境不可僅在邊界住紮至薛大

烈所患病症現已全愈否亦著遇便奏及

十五日

辛酉

書麟奏言

臣

欽奉

上諭以德楞泰奏龍逆衝破之卡係屬西密河都司

鄧興相汛地令

臣

查辦據實參奏查西密河卽

西面河前次龍逆一股由該處相距十餘里之

得勝坡闌入楚境先據派防西面河卡之都司

鄧興相稟稱賊匪先撲西面河經該員帶領兵

勇五百七十名施放鎗礮竭力擊退匪衆繞至  
得勝坡翻越老杉窰入等語

臣

恐該都司防堵

不力託詞掩飾當卽嚴密確查該都司於賊匪

撲卡時實曾帶領兵勇堵禦并經殺斃賊匪八

名因衆寡不敵致該匪從得勝坡窰入尙無畏

蕙退縮情弊惟賊股臨近該都司不能悉力堵

禦咎無可辭當經

臣

將鄧興相翎頂摘去以示

懲儆在案此後該員如果自知悔懼者有功績  
再行給還翎頂倘再有疎虞卽行嚴叅辦理又  
前在余家河茅倫山等處前敵打仗實在奮勇  
出力各員

臣

謹據實查明開單呈

覽奏入

上諭內閣曰書麟奏查明西密河都司鄧興相於賊  
匪撲卡時曾帶兵勇堵禦並經殺賊八名因寡衆

不敵致賊匪從得勝坡竄入當將該都司摘去翎  
頂等語鄧興相雖無畏葸退縮情弊但賊匪竄近  
不能悉力防堵實屬咎無可辭僅將翎頂摘去不  
足示儆鄧興相著降爲守備仍不准戴用翎頂嗣  
後果能愧奮出力先行給予守備頂戴若再有出  
力之處方准戴用花翎該部知道

上又諭內閣曰書麟等奏查明前在余家河茅倫山



等處前敵打仗實在奮勇出力各員內二等侍衛  
塔津保著陞爲頭等侍衛副護軍叅領富永著陞  
爲護軍叅領黑龍江佐領委叅領色楞扎普副將  
王懋賞守備孫武俱加恩賞戴花翎守備郭朝鳴  
著賞換花翎領催尙阿大打牲兵富瞻鄉勇首領  
黃興隆千總薛忠全王元相把總任得福楊儒辛  
得勝俱著賞戴藍翎

十六日壬戌德楞泰長齡明亮奏言臣等前在豐

邑坪曾籌分路入山兜剿青白號各逆時臣書

麟因年老過勞連日陰雨染受山嵐蒸濕之氣

病勢日劇猶欲力疾進山臣等再三勸阻始回

房縣延醫調治是日午後河水漸消卽令員弁

兵勇趕搭浮橋兵馬全行渡訖臣長齡託爾託

保孫清元等帶領馬步兵勇六十餘員各取道

長房河入山

臣

德楞泰督同賽冲阿溫春色爾

滾馬瑜蒲尙佐等亦帶馬步兵勇六千餘員名

由書洞溝前進查此一帶老山開荒未久俱係

偏僻小徑兵馬祇可魚貫而行間有極窄處所

隨修隨進雖馬騾日有滾跌而兵行尙無阻滯

逐日逃出難民自五六十名至百餘名不等詢

據僉稱青號徐添德白號趙鑑胡明遠崔宗和

等股約共七八千人在廟坪兩河口一帶屯紮  
已久附近被擄者甚多昨日探得大兵進山連  
夜向西北長房河一帶逃竄我們是乘空逃出  
等語因山中不時陰雨路窄泥濘兼之山高林  
密行走不能迅速迨至初五日官兵行抵徐家  
莊探得清白兩號賊匪先後由白草冲老山竄  
至大開寨詢據土人均稱老箐綿長二百餘里

因路徑陡窄泥深尺餘無人行走聞賊過去時  
滾斃騾馬極多賊匪亦有跌死者逆衆必由梨  
榨河兩河口出山卽通房竹之路若由夾帶河  
松露河繞道就可抄出其前臣等再三籌計白  
草沖一路險阻大隊兵馬實難行走若無兵尾  
追又恐賊衆折回遂派已革都司馬光宇守備  
龍必達千總江成龍帶四川鄉勇五百名又派

竹山鄉勇一千名俱執用

臣

德楞泰前敵旂號

遙爲大兵尾躡之勢初六日

臣

等各帶馬步兵

勇由夾帶河取道松露河探得青號賊股已出

兩河口由八角廟元杜坪前逃白號尙在山內

未出因天色已晚恐其驚竄遠颺隨將營盤紮

於山窪處所夜間不放號火商令

臣

長齡等帶

兵暫紮松露河兩河口俟白號賊匪出山剿辦

臣德榜泰於初七日四鼓督同賽冲阿等帶領

馬步兵勇進剿及由八角廟趕抵元杜坪計行

已有八十餘里賊匪已向紅花梁遁逃臣鼓勵

兵勇飛奔前追時已午後至紅花梁趕上賊尾

官兵分爲三路而進令馬瑜副將李應貴叅將

馬應國遊擊馬元等帶步隊由左手山林前進

令蒲尙佐副將達白祥叅將李東山遊擊劉彪

德英額等帶步隊由右手山林夾擊

臣

德楞泰

督同賽冲阿溫春色爾滾侍衛達勒精阿富僧

德慶昌蘇爾伸德楞額等帶馬步隊居中直前

衝殺該逆等始猶推下亂石朽木依險抗抵官

兵人人切齒不避鋒鏑馬步分投競進賊衆立

形潰敗斃賊二百餘人生擒陳天壽等二百三

十餘名追至鯽魚埡大巖屋沿途又斬殺賊三



百餘名生擒胡世富等二百餘名我兵復又趕  
追至石磑溝雨水夾磑道路逼窄而又淤泥深  
陷賊衆擁擠滿道竟有奪路自相殘殺者其中  
賊匪三四百人盡被剿戮馬步官兵卽由賊屍  
踐踏而過仍復竭力趕剿由吳家菴直至洋叉  
河趕追六十餘里又斃賊二三百名時已黃昏  
餘匪不過三千人向獅子崖連夜分逃各處搜

獲大小男婦張鴻謨陳邱氏等八百八十七名  
口尙有滾巖渙散者不計其數搶獲礮七位鳥  
鎗一百二十三桿刀矛旗幟千餘件騾馬二百  
八十一匹頭其山內白號賊股一千餘人於初  
八日竄出老林臣長齡等卽帶兵追剿至紫竹  
地方正遇賊衆蜂擁而來官兵突出迎頭剿擊  
當殺賊匪二百四十五名賊卽敗走追至百餘

里之灣腰樹沿途又殺賊百餘名生擒向大等  
三十二名餘匪向扇子壩九道梁奔逃

臣

明亮

初八日在上龕探知徐逆賊匪向獅子崖蒙古

寺奔竄卽帶兵截剿殺賊一百餘名生擒李芳

等二十三名俱已隨時分別辦理現在

臣

長齡

孫清元託爾託保等帶兵趕剿白號賊股

臣

德

楞泰明亮分路追剿徐逆禁省只有此兩股賊

匪業已痛剿所剩無幾臣等竭力追趕自可卽

日掃除再臣德楞泰等在豐邑坪進山時據陸

續逃出難民僉稱首逆張允壽於三月二十三

日在熊藏山與孫清元託爾託保副將吉林泰

等打仗時礮傷左腿骨折擡回後旋即身死臣

亦未深信茲據獲犯難民大小男婦千數百人

僉稱共見共聞是非允壽之死實無疑義查張

允壽與徐添德同惡相濟狼狽爲奸荼毒生靈  
實已罪惡貫盈茲已伏誅徐逆失所倚仗更易  
掃除又查此次剿殺毒白兩號賊匪約計一千  
六百餘名生擒一千三百數十名內訊出偽總  
兵探馬旗首陳添壽孔榮志胡世富袁正路周  
啟俸等五名當卽鑿割梟示其從賊日久之徐  
文周等四百七十三名一概正法其應行省釋

者除附近之沈茂盛等二百七十二名卽時遣  
回外尙有大小男婦周國才杭李氏等五百六  
十六名口派員解至房縣並札飭總理候補道  
海昌捐給衣衫查明籍址妥爲護送安插斷不  
可令其一名失所再查苟文明等股賊匪已竄  
過九道梁尙在川楚交界山內游奕現在青白  
兩號賊股勢已敗殘窮蹙如竄入陝境前往經

署札知已派副都統慶溥總兵喜明等帶兵勇  
六千餘員名在平利白土關一帶截剿

臣

德楞

泰明亮趕追前去卽可前後夾擊倘或奔回川

境

臣

德楞泰亦卽跟蹤入川惟有趁勢剪除冀

圖迅速廓清至此次各路打仗兵勇受傷數名

容俟另行咨部辦理再奉

旨飭查趕剿龍逆時出力各員謹分別開單呈

覽奏入

上命軍機大臣傳諭德楞泰曰此次青號徐添德白號起鑑胡明遠崔宗和等逆約七八千人由廟坪一帶先後分竄德楞泰分率兵勇追至紅花梁獅子巖及紫竹地方趕緊剿殺共斃賊匪一千六百餘名生擒一千三百餘名並救出難民八百餘名分別省釋其首逆張允壽訊於三月二十三日在



熊藏山與孫清元所領官兵打仗中破身死現在  
賊勢大形衰殘可冀即日掃除殊深欣慰徐添德  
股匪在楚境往來滋擾最爲狡猾朕素聞徐添德  
年老有病惟仗張允壽同惡相濟茲將該犯戮斃  
徐添德自立形窮感不口卽可就擒德楞泰到楚  
以後奮勇剿賊布置悉合機宜屢次告捷著加恩  
賞還雙眼花翎並賞給玉搬指大小荷包先示獎

勵至殲斃張允壽一犯係孫清元一路兵力著加  
恩將孫清元交部議叙並賞給玉搬指大小荷包  
仍著德楞泰查明轟斃張允壽確係何人俟奏到  
再加恩賞並著查明此次出力將弁奏請加恩再  
發去鼻烟壺搬指套各十件著德楞泰分賞出力  
將弁德楞泰趁此兵威勝勢惟當鼓勵兵勇上緊  
剿殺將徐添德等股首數辦理淨盡勿留餘孽俟

辦理此股畢後楚境肅清德楞泰酌看情形或帶兵入川或赴陝省剿辦總以何路緊要卽前往何處朕亦不爲逆制也

同日長齡奏言

臣

准德楞泰知會書麟染患傷

寒病勢甚重現當兇剿喫緊之際一切軍務事

宜並督催糧餉軍火等項亟需大員接辦囑

臣

將馬步官兵交與孫清元託爾託保吉林泰等

晉帶

臣

親自趕回房縣如果書麟病勢漸減暫

留幫辦倘有不虞應卽暫行接管以免貽悞併

可將書麟身後事宜妥爲料理

臣

當將馬步官

兵交與孫清元等接管並囑令仍卽趕緊前進

相機剿辦務使不予以暇如果在本省剿滅固

屬甚善若能驅入西南川境亦必須預防其折

回之路以冀先清楚境

臣

卽於亥刻由舉人坪

軍營連夜遄發途中接道員海昌知府周季堂  
來稟內稱書麟已於初九日戌時病故所有身  
後之事均已預備齊全

臣

當卽策騎奔馳初十

日午刻行抵房縣查看書麟一切後事俱爲周

妥並據該家人稟稱書麟臨終時命用行衣入

殮以誌賊氛未淨不敢用品服裝裹之隱痛

臣

親視含殮畢

臣

現擬三五日內派委妥幹文武

護送至襄陽府城停頓將來回旗水陸均爲妥  
便查青號徐逆一股敗殘已極德楞泰統領勁  
兵緊蹙追剿日內卽可殄滅其白號一股孫清  
元託爾託保吉林泰等乘勝剿辦諒不致再有  
蔓延其龍紹周苟文明等股雖已出境尙在川  
楚交界未能定其趨向查房縣爲適中扼要之  
所此時攔截敗匪最關緊要

臣

現將所存兵勇

齊集酌派將領分紮要隘兵民極爲寧帖所有  
總督關防先據道員依精阿賚送倭什布接收  
查現在各路官兵皆在深山窮谷之中難於置  
食設或糧運不能接濟兵丁卽虞枵腹必致貽  
悞剿賊倭什布尙無行抵襄陽信息所有糧餉  
軍火等項乃目前第一緊要之事臣惟有竭盡  
心力督催該管道府沿途州縣設法籌辦上緊

運供糞無缺悞一面飛咨倭什布迅速前來接

辦臣仍卽趕赴前敵上緊剿辦奏入

上諭內閣曰協辦大學士吏部尙書書麟老成練達  
體國公忠敍歷有年久著勞績前自新疆調回簡  
任閩浙總督上年調任雲貴總督剿辦猺黑迅速  
周妥適因湖北軍務未竣特將書麟調任湖廣總  
督知其秉性勇敢年齒已近七旬屢經諭令不必



親臨前敵祇應居中調度並將善後一切事宜悉  
心經理而書麟自抵軍營屢次乘馬殺賊馳驅山  
林深阻之地以致積勞成疾昨據奏因患病較重  
懇請暫赴後路調理朕以書麟必非藉病諉卸之  
人卽慮其或至不起當經降旨諭令緩程回京補  
授吏部尙書協辦閣務並派乾清門侍衛孟佳帶  
同太醫並伊子雲麾使吉郎阿馳驛前往看視猶

翼調理就痊茲據長齡奏報書麟已於本月初九  
日身故並於垂盡之時因念剿賊未竣囑令身後  
以行衣入殮尤見忠盡惻忱書麟本係宣力舊臣  
精力未形衰邁設令不將伊調任湖廣尙不至因  
勞成疾茲聞溘逝深爲軫悼書麟著加贈太子太  
傅並賞給一等男爵卽令伊子吉郎阿承襲仍派  
詣住馳驛前往賜奠並令伊子一併馳驛迎接靈

樞回京入城治喪俟到京時再降恩旨其任內降  
罰處分概予開復所有應得卹典著該部察例具  
奏

上命軍機大臣傳諭長齡曰楚省現當兇剿喫緊之  
際軍務糧餉均關緊要長齡現赴房縣接管總督  
事務自應如此辦理昨因書麟患病解任降旨將  
倭什布補放湖廣總督今聞倭什布辦理軍餉多

有遲悞業經降旨將倭什布解任來京候旨所有  
湖廣總督已將吳熊光補授令其馳驛速赴新任  
但吳熊光到楚尙需時日湖廣總督事務卽著長  
齡暫行署理俟吳熊光到任交卸後長齡仍赴軍  
營帶兵長齡在總督任內一日卽有一日責任務  
將軍火糧餉源源接濟毋致稍有缺乏前因楚省  
欠未請餉特降旨詢問並不待伊等奏請節次撥

發餉項何至兵丁不能充食皆係什布辦理不善  
或經手各員竟有侵蝕之處並著長齡徹底查明  
據實具奏不可稍有瞻徇